

1254-1254- OFP - Acta Capitulum Generalium Buda Celebrati

In nomine patris et filii et spiritus sancti. Amen.

Acta capituli generalis in Buda celebrati
anno Domini. · M° · CC° · LIII° ·

Confirmamus has constitutiones. In capitulo de capitulo generali. ubi dicitur de magistro. seorsum corrigant et emendent. addatur. qui coram ipsis humiliter se prosternens. veniam faciat; et stans de suis excessibus se accuset et diffinitores audiant accusationes. Et hec habet · iii · capitula.

Item hanc. In capitulo de domibus concedendis. in fine addatur sic. statuatur semper aliquis clericus vel conversus maturus. discretus et securus. qui sit portarius. et diligenter. que ad officium pertinent; exequatur. poterit autem aliquem fratrem vel secularem habere. honeste conversacionis in adiutorium; prout causa necessitatis hoc requiret. Et hec habet · iii · capitula.

Approbamus hanc. In capitulo de solemni celebratione capituli. ubi dicitur. et si accusant de auditu. vel de visu. addatur. accusacio unius tantum ad capitulum generale vel provinciale non mittatur. et tractatus eorum que mittenda sunt ad capitulum; ultra unam diem non prolongetur. Et hec habet · ii · capitula.

Item hanc. In eodem capitulo. ubi dicitur. cum autem in · iiiia · feria post penthecosten. deleatur · iiiia · et ponatur · iia · In fine vero eiusdem capituli ubi dicitur. in secunda feria post penthecosten. deleatur. · iia · feria. et dicatur. in vigilia penthecostes.

In capitulo vero de electione magistri. ubi dicitur. qui postquam fuerint congregati in secunda feria. deleatur in · ii · feria. et dicatur. in vigilia penthecostes. Infra vero ubi dicitur. et semper in · iiiia · feria penthecostes. deleatur · iiiia · et dicatur · iia · Et hec habet · ii · capitula.

Item hanc. In capitulo de capitulo provinciali. ubi dicitur. et predicatorum generales. addatur. predicatorum autem generales dicimus; qui per priorem provinciam et diffinitores capituli provincialis fuerint instituti. Et hec habet · ii · capitula.

Item hanc. In capitulo De itinerantibus. in fine dicatur sic. quicumque prior provincialis sine licencia magistri. vel frater alius quicumque sine licencia magistri. vel prioris provincialis. archiepiscopatum vel episcopatum receperit. nisi per talem obedienciam cogatur. quam transgrediendo peccaret mortaliter; ipsum statuto presenti. suffragiis. societate. ac omnibus beneficiis ordinis; tam in morte quam in vita privamus. Et hec habet · ii · capitula¹.

Item hanc. In eodem capitulo. in fine dicatur sic. fratres ordinis nostri. episcopis vel aliis quibuscumque personis. extra ordinem assignatos. qui in ieiuniis et abstinenciis. victu et vestitu. statuta ordinis non servant; suffragiis. et beneficiis ordinis. tam in morte quam in vita privamus. quousque super huiusmodi excessu. adeo digne satisfecerint; quod per magistrum vel provinciam suam. ad huiusmodi suffragia restitui mereantur. Et hec habet · ii · capitula.

Item hanc. In eodem capitulo. ubi dicitur. in quacumque provincia fratres itinerantes deliquerint. prior provincialis vel conventualis. addatur. seu eorum vicarii. superior. visitator. etc. Et hec habet · ii · capitula.

Item hanc. In capitulo de capitulo provinciali. ubi dicitur. accusationi vero et correctioni. professi post triennium poterunt interesse. addatur. infra vero idem tempus. fratres aliqui non admittantur in conventibus ad discussionem eorum que ad capitulum generale. vel provinciale sunt mittenda. Et hec habet · ii · capitula.

Item hanc. In capitulo de visitoribus. ubi dicitur. referre debent capitulo generali. vel provinciali. deleatur istud. capitulo generali. vel provinciali. et dicatur ita. diffinitoribus capituli provincialis vel generalis. cum in sua provincia celebratur. Et hec habet · ii · capitula.

Item hanc. In capitulo De itinerantibus. ubi dicitur. depositarii esse possunt. deleatur hoc. depositarii esse possunt. et dicatur sic. nec exteriorum deposita recipiant. nisi librorum. vel paramentorum ecclesiasticorum. Et hec habet · ii · capitula.

Item. In capitulo de gravi culpa. ubi dicitur. nisi ita religiose conversatus fuerit. quod generale vel provinciale. etc. deleatur hoc. quod generale vel provinciale. usque illuc. si vero. et dicatur sic. quod per diffinitores generalis vel provincialis capituli; illuc reversurus iudicetur. Similiter in eadem rubrica. ubi dicitur. capitulo generali vel provinciali significetur. deleatur hoc totum. et dicatur. diffinitoribus generalis vel provincialis capituli significetur. Similiter. in capitulo de apostatis. ubi dicitur. nisi per provinciale capitulum cum eo fuerit dispensatum. deleatur hoc. et dicatur sic. nisi per diffinitores provincialis capituli cum eo fuerit dispensatum. Similiter. in fine eiusdem capituli deleatur hoc quod dicitur ibi. nisi per generale vel provinciale capitulum fuerit restitutus. Et hec habet · ii · capitula.

¹ Quod argumentum absolvit GRAUERT HJB. XVI. 283 sqq.

Item hanc. In capitulo de recipiendis. ab illo loco ubi dicitur. probacionis vero tempus statuimus · vi · mensium etc. deleatur totum usque ad illum locum. nullus recipiatur nisi requisitus. etc. Et hec habet · ii · capitula.

Item. In capitulo de silencio. in fine addatur. si quis tamen inter duo capitula sepcies. silencium fregerit. in uno prandio sedeat in terra. Et hec habet · ii · capitula.

Committimus magistro ordinis. totam ordinacionem ecclesiastici officii. diurni quam nocturni. et eorum que ad hoc pertinent. et correctionem librorum ecclesiasticorum. et quod corrigat litteram regule.

Inchoamus has. In capitulo de officio ecclesie. ubi dicitur. totum officium. tam diurnum. quam nocturnum. addatur. secundum ordinacionem et exemplar venerabilis patris Humberti magistri ordinis confirmamus. etc.

Item hanc. In capitulo de studentibus. ubi dicitur. magister ordinis. vel capitulum generale. voluerit aliter dispensare. addatur. vel priores provinciales.

Item hanc. In eodem capitulo. in fine addatur sic. nulla scripta facta. vel compilata a fratribus nostris. aliquatenus publicentur. nisi primo per fratres peritos. quibus magister. vel prior provincialis commiserit; diligenter fuerint examinata.

Item hanc. In primo capitulo constitutionis. post illud. nisi per · iii · capitula approbentur. addatur. moniciones vero capitulorum generalium. vel provincialium; in aliquo certo libello scribantur quolibet anno.

Item hanc. In capitulo de sollempni celebracione capituli. ubi dicitur. penitentia scripta mittatur. addatur. penitencie autem que nominatim aliquibus. in capitulis generalibus. vel provincialibus iniunguntur; non publicentur. nisi coram eis qui culpas audierunt. vel in locis ubi eas facere debebunt.

Item hanc. In capitulo de graviore culpa. in fine ad-datur. caveat autem quilibet frater. nec proclamet aliquem in capitulo de crimine. nisi possit probare. quod si accusatus negaverit. et accusans in probacione defecerit; secundum exigenciam culpe. gravius puniatur. Ne autem vicia occultentur. prelato suo denunciaret. quid viderit. vel audierit.

Item hanc. In capitulo de electione magistri. ubi dicitur. mortuo igitur magistro. vel a magisterio remoto. deleatur totum quod sequitur usque ibi. ad quod si non omnes. et dicatur sic. mortuo igitur magistro. vel a magisterio remoto; prior provincialis in cuius provincia precedens generale capitulum proximo fuerit celebratum. vicem magistri optineat. quousque magister sit electus. quod si dictum vicarium infra tempus vicarie sue. mori. vel aliquo casu amoveri a prioratu contigerit. prior provincialis in cuius provincia precedens generale capitulum fuerat celebratum. vices predictas optineat. et sic deinceps. donec ordo magistrum habeat.

Item hanc. In capitulo de electione magistri. in principio ubi dicitur. statuimus. ut si ante festum sancti Michaelis. deleatur. festum sancti Michaelis. et dicatur. nativitatem sancti Iohannis Baptiste.

Item hanc. In capitulo de suffragiis mortuorum. ubi dicitur. idem fiat per totum ordinem. pro diffinitore capituli generalis. vel socio eius. addatur. aut electoribus magistri. vel socio prioris provincialis euntis ad capitulum generale etc.

Item hanc. In capitulo de professione. ubi dicitur. et beate Marie. addatur. et beato Dominico.

Item hanc. In capitulo de electione diffinitorum. post illud. socius competens a priore provinciali et diffinitoribus assignetur. addatur. quod si supersedeatur illo anno a capitulo generali; in sequenti capitulo electus sit generalis capituli diffinitor.

Item. In eodem capitulo ponatur in fine. fratres qui in uno anno electi sunt diffinitores capituli provincialis. sequenti anno ad idem officium non eligantur. Idem dicimus de diffinitore capituli generalis.

Item hanc. In capitulo de visitoribus. in fine capi-tuli ubi dicitur. in visitatores nullatenus eligantur. ad-datur. quod si aliquis visitor. antequam visitet. in priorem electus fuerit et confirmatus vel mortuus. provideat prior provincialis de alio fratre. qui visitet loco eius.

Item hanc. In capitulo de inclinacionibus. ubi dicitur. in credo in missa. addatur. ad. ex Maria virgine et homo factus est.

Item hanc. In eodem capitulo. ubi dicitur. et graciaram actione. addatur. et inclinamus solum ad. pater noster. et oracionem. retribuere.

Moniciones.

Nullus fratrum predicet vel confessiones audiat nisi de sui prelati licencia speciali. quicumque autem habuit licenciam a prelato suo audiendi confessiones; non recipiat ad confessionem aliquem. nisi de licencia episcopi vel proprii sacerdotis. vel nisi confiteri volens; proprio confessus fuerit sacerdoti. vel asserat se velle confiteri illo anno.

Item. Provideant priores quod in diebus communionis fratres conversi. sermonem habeant in vulgari.

Item. Cum subprior aliquis constituitur. non fiat per scrutinium. sed de consilio discretorum; qui coram priore conferant in communi.

Item. Quicumque frater sive prior sive alius. pecuniam in aliquo casu dispensat sive distribuit. sive pecunia sit ordinis sive extraneorum; reddat inde rationem. priores provinciales coram diffinitoribus. conventuales coram priore provinciali; vel visitatore. alii fratres. coram priore suo.

Item. Priores et alii fratres. curam habeant diligentem. quod nomen beati Dominici et beati Petri martiris. in calendariis et in litanis scribantur. et picture fiant in ecclesiis. et quod fiant festa eorum.

Item. Concedimus fratribus. quod in festo beati Dominici fiat processio; ubi commode fieri poterit. et priori et fratribus visum fuerit expedire.

Item. Mandat magister ordinis prioribus provincialibus et diffinitoribus capitulorum provincialium universis. quod singulis annis quamdiu ipse fuerit in officio; mittant ei ad capitulum generale per diffinitores suos; acta capitulorum provincialium.

Item. Provinciales cum diffinitoribus provideant quod fratres itinerantes in suis provinciis observent ieiunia; que communiter in patria observantur.

Item. Nullus frater. libros sibi commissos in vita sua. assignet alicui conventui speciali. nec super hoc; licencia a prioribus provincialibus. vel conventualibus concedatur. et omnes licencias que de hoc date sunt; revocamus.

Item. In quolibet conventu constituatur unus circator. vel plures. si multitudo fratrum hoc requirat. qui non solum post completorium. sed etiam de die omni tempore. quando visum sibi fuerit expedire. circuire debeat officinas et loca in quibus fratres solent conversari. et insolencias quas viderit; prelato referre et delinquentes in capitulo proclamare.

Item. Fratres quibus videtur aliquid corrigendum circa officium; scribant magistro ordinis. ad sequens capitulum generale.

Item. Festum beati Petri martiris. fiat totum duplex. et pax detur in conventu. Concedimus provincie Hispanie · ii · domos.

Item. Provincie provincie; · ii · Item provincie Lombardie. Item Theuthonie; · ii · Item Polonie; · ii · Et ponantur. ubi provincialibus. et diffinitoribus capitulorum provincialium videbitur expedire.

Hoc anno factus est magister ordinis. frater Humbertus. cum magna concordia electorum.

Capitulum generale sequens. assignamus apud Mediolanum. in provincia Lombardie.

Absolvimus. priores provinciales. Anglie. Ungarie. Polonie; Terre sancte.

Actis additae sunt litterae magistri ordinis; cf. app. n. IV.